



**Protocol da la radunanza generala 2021
dals 19 gün 2021, 9:30 – 12:00
i'l auditori dal Parc naziunal svizzer a Zernez**

Tractandas

1. Salüd
2. Tscherna dals dombravuschs
3. Approvaziun dal protocol da la radunanza generala dals 3 october 2020
4. Rapport dal president e da la vicepresidenta
5. Rendaquint 2020
6. Tour cogniziun dal rapport da la cumischiun sindicatoria
7. Approvaziun dal rendaquint 2020 cun dar dis-charg als organs respunsabels
8. Program da lavur 2021/22
9. Fixar la contribuziun annuala 2022
10. Preventiv 2022
11. Tschernas per üna perioda d'uffizi da quatter ons
12. Dumonda per ün credit d'investiziun da fr. 8'500.— per lavurs da mantegniment vi dal Chesin Manella
13. Orientaziun a regard la concorrenza per ün bun nom per l'Uniun dals Grischs
14. Varia

Preschaints:	25 commembras e commembers cun dret da vuschar
Medias:	2
Giasts:	5
S-chüsats:	Jon Domenic Parolini, Cilgia Scherer Ganzoni, Mario Pult, Analea Stupan, Carola Bezzola, Jacques Guidon, Alberto Palaja (Surselva Romontscha), Tresa Deplazes (Pro Idioms Surselva), Nora Saratz Cazin, Andrea Gutgsell, August Möckli, Madlaina Crastan, Olivia Grass, Ursina Blumenthal-Urech, Flavia Häberli, Domenic Toutsch, Ester Krättli, Bettina Vital (Redaktura Chalender Ladin), Dora Thom, Martina Shuler-Fluor, Men Duri Ellenmunter, Claudia e Pol Clo Nicolay, Marguerite Schmid-Altwegg, Jon Duri e Giovaninna Tratschin, Claudio Danuser, Christian Fanzun, Benjamin Rapp, Gian Nicolay, Monika Ohagen, Nina Dazzi Andry, Fortunat Walther, Ernst Denoth, Renata Bott-Pitsch, Rico Valer, Hans Fäh, Curdin Linsel, Maria e Josef Sedlacek, Nicolò Bass, Anna Caprez

1. Salüd

Il president da l'UdG, *Hermann Thom* salüda ils preschaints, el desista da preleger la glista da persunas s-chüsadas e da spiegaziuns a regard las masüras da corona. I segua il salüd dal president da la Lia Rumantscha, *Johannes Flury*. El ha constatà illa politica daplü incletta per fats dal rumantsch daspö la festa 100 ons Lia Rumantscha e manzuna lura la contribuziun da la confederaziun per sustegner ils rumantschs da la bassa e l'introducziun dad uras da rumantsch illa scoula da Flem. *Diego Deplazes* salüda ils preschaints in sia nouva funcziun sco secretari general da la LR e disch ch'el s'allegra sün üna buna collavuraziun cun l'UdG e da gnir a cugnuscher collavuratur ed oters exponentes dal rumantsch in Engiadina e Val Müstair. Il president da l'UdG preschainta la glista da tractandas chi vain approvada.

2. Tscherna dals dombravuschs

Sco dombravuschs vegnan tschernüts *Aita Zanetti*, Sent ed *Andri Linsel*, Sent

3. Approvaziun dal protocol da la radunanza generala dals 3 october 2020

Il protocol da la radunanza generala dals 3 october 2020 vain approvà sainza resalvas.

4. Rapport dal president, da la vicepresidenta e dals collavurats da la Lia Rumantscha

In seis rapport manzuna il president *Hermann Thom* la nouva fuorma da commembranza. Hoz sa l'UdG chi chi sun seis commembers cun nom ed adressa. Da las differentas acziuns dals ultims mais per ragiundscher novs commembers resulta hoz ün nomer da raduond 150 commembers. Quist on esa da tscherner ün nouv president da la Lia Rumantscha. Per quel scopo s'ha fuormada üna cumischiun, chi va in tschercha da candidat(a)s. Il böt es da chattar personas cun fich bunas qualificaziuns. Perquai nu propuona la radunanza generala dad hoz ad ingünas personas per quella tscherna.

Angela Jan vicepresidenta e respunsabla pel Chesin Manella rapporta da la vendita in nossa butia. Perquai cha quella es statta serrada in connex cullas masüras da corona s'ha la vendita da cudeschs diminuïda. L'administratura dal Chesin Manella, *Dora Thom* ha cuntinuà cullas lavurs per digitalisar la vendita. Uschè ha ella uossa registrà tuot l'inventar i'l nouv sistem. Ella ha eir gnü daplü lavur in connex cullas acziuns per ragiundscher novs commembers.

Linard Martinelli, collavuratur da la LR manzuna in seis rapport ils cuors da rumantsch cun scoulas da la bassa, ün nouv certificat per quels chi imprendan rumantsch, la redacziun da la pagina rumantscha da l'Allegra e'ls cudeschs novs cha la LR ha edi. Il cuors da stà a Scuol es gnü annullà causa corona, il cuors d'utuon a Sta. Maria es gnü realisà cun ca. 70 partecipants.

Ramona Barblan, la nouva collavuratura da la LR per nossa regiun as preschainta. Sias prümas lavurs sun stattas la moderaziun dal caffè rumantsch virtual e l'organisaziun dal Pledpierla. Ella s'allegra sün inscunters directs cur cha la situaziun da pandemia tils permetta darcheu.

Discussiun:

Dumonda: Daja amo cuvis ed otras personas ingaschadas?

Resposta: Ils cuvis vendan ils chalenders. Quai nu funcziuna in tuot ils cumüns. Magisters chi vendan ils chalenders cun lur scolars nu voutan esser cuvis. Per las secziuns da Tavo e Cuaira nu's haja chattà ingün cuvi.

5. Rendaquint 2020

Il chaschier *Romedi Conradin* preschainta il rendaquint per l'on 2020. Quel serra cun ün avanz da fr. 12'802.48. La radschun pel guadogn es, cha da la vart da las entradas haja dat daplü donaziuns e pro las sortidas mancan las spaisas per occurrenzas. Las entradas da la libreria sun idas inavo intant cha las sortidas sun restadas plü o main sco l'on avant. Pro las ediziuns es il quint equilibrà: la vendita dal Chalender Ladin es regressiva e suot il strich resulta ün deficit; pro'l Dun da Nadal s'ha augmantada la vendita, ma eir las sortidas sun stattas plü otas, uschè chi resulta ün pitschen deficit e pro la Chasa Paterna sun las sortidas pervi da la festa da 100 ons ediziun Chasa Paterna plü otas co üsità, ma grazcha ad üna buna vendita resulta listess ün guadogn.

Discussiun:

Dumonda: Da chi as tratta quai pro la donaziun in memoria da Eberhard Mayer?

Resposta: Da dna. Maria Chatrina Eberhard-Mayer, nezza da Selina Chönz. La donaziun dess promover cudeschs rumantschs, specialmaing quels da Selina Chönz.

Dumonda: Nun edischa l'UdG plü ingüns novs cudeschs?

Resposta: Intant cha l'UdG faiva deficit nu d'eira pussibel dad edir novs cudeschs. Culla situaziun finanziaria actuala dvainta quai darcheu pussibel.

Intimaziun: Ediziuns privatas vessan da gnir sustgnüdas plü bain pussibel da l'UdG.

Intimaziun: Pro tscherts cudeschs exausts stess l'UdG pisserar per üna reediziun.

Resposta: Sustegns per ediziuns privatas da l'UdG in collavuraziun culla LR. Scha la LR sustegna ün'ediziun nu da l'UdG ingün sustegn; in cas cuntrari dà l'UdG ün sustegn fin maximal fr. 500. Üna megltra situaziun finanziaria permetta eventualmaing dad augmentar quella contribuziun in avegnir. L'UdG sustegna la vendita dad ediziuns privatas cun promoziun e prelecziuns i'l Chesin Manella. Reediziuns sun ün tema in discussiun. Il böt da l'UdG nun es da far ün guadogn. Il guadogn da quist on resulta da las masüras da spargn chi han uossa muossà ün resultat e da la situaziun da la pandemia corona chi nu permettaiva dad organisar occurrenz.

6. Tour cogniziun dal rapport da la cumischiun sindicatoria

Il rapport dals revisurs, *Jann Ruinatscha* e *Duri Schwenninger*, vain prelet. Sper lur rapport, dan ils revisurs tschegns a regard las finanzas a man da la suprastanza.

7. Approvaziun dal rendaint 2020 cun dar dis-charg als organs respunsabels

La radunanza approvescha il rendaint dal 2020 sainza cuntravuschs.

8. Program da lavur 2021/22

Il program da lavur prevezza, sper las ediziuns e las occurrenz üsidades, acziuns per augmentar il numer da commembers, ün'expertisa a regard il nouv nom, investiziuns tecnicas pro la vendita e modernisaziuns dal servezzan d'internet.

9. Fixar la contribuziun annuala 2022

La suprastanza propuona da laschar la contribuziun annuala da fr. 25.-- pels commembers singuls e da fr. 1.50 pro abitant pels cumüns.

Decisiun

La radunanza approvescha unanimamaing la proposta da la suprastanza.

10. Preventiv 2022

Il chaschier preschainta il preventiv 2022 e dà explicaziuns pro divers puncts. La plü gronda part dals imports correspuondan a quels dals ons precedaints. Pro'l Chalender Ladin sun gnüdas augmantadas las sortidas da fr. 2'000 in connex cun üna nouva curvegna da lavur culla redactura. Per cuntinuar culla digitalisaziun es la posiziun *indrizz technics* gnüda augmantada da fr. 2'500. Per modernisar la pagina d'internet es quella posiziun eir gnüda augmantada da fr. 2'500. Las entradas dals commembers figüreschan uossa cun ün import da fr. 5'000.

Decisiun

La radunanza approvescha il preventiv 2022 unanimamaing.

11. Tschernas

Il president ingrazcha a *Chatrina Urecht* ed a *Angela Jann* chi sortan da la suprastanza. El manzuna cha l'UdG haja pudü profitar da la lur buna lavur e da lur vast *know-how*. *Chatrina* ha lavurà instancabelmaing per augmentar la qualità da las ediziuns ed *Angela* s'ha ingaschada per la gestiun dal Chesin Manella. Sco ingrazchamaint surda'l a minchüna ün püschel fluors. *Chatrina* ingrazcha per la buna collavuraziun. Ella regala a l'UdG ün album da fotografias da l'occurrenza 100 ons ediziun Chasa Paterna a Lavin. *Angela* dà ün sguard inavo sün seis temp in suprastanza ed ingrazcha eir ella per la buna collavuraziun.

President: *Hermann Thom* as metta darcheu a disposiziun e vain reelet unanimamaing.

Ils suprastants *Romedi Conradin* e *Duri Denoth* as mettan darcheu a disposiziun e vegnan reelet unanimamaing.

Pels ulteriurs duos sez propuona la suprastanza a *Victoria Mosca* ed a *Martina Shuler*. Ellas vegnan elettas unanimamaing.

Jan Ruinatscha e *Duri Schwenninger* as mettan danövmaing a disposiziun per la cumischiun sindicatoria e vegnan reelet unanimamaing.

Nominaziun da la delegada illa suprastanza da la Lia Rumantscha e da seis suppleant:
La radunanza propuona unanimamaing ad *Angela Jann* sco candidata per la suprastanza ed a *Romedi Conradin* sco suppleant. La tscherna definitiva vain fatta da la radunanza da delegats da la Lia Rumantscha.

Sco delegats per la Lia Rumantscha propuona la suprastanza a:
Curdin Brunold, Renata Bott, Flurin Parolini, Anna Zala, Chatrina Urech, Hermann Thom, Romedi Conradin, Duri Denoth, Victoria Mosca e Martina Shuler.
Tuots vegnan elets unanimamaing.

Sco suppleants dals delegats per la Lia Rumantscha as mettan a disposiziun:
Mariachatrina Hofmann, Fadri Häfner, Linard Marugg e Barbla Buchli.
Tuots vegnan elets unanimamaing.

12. Dumonda per ün credit supplementar d'investiziun da fr. 8'500.—

I fa dabsögn da far ün nouv fuond i'l local da butia dal Chesin Manella. In connex cun quella lavur esa da far adattaziun vi da las installaziuns electricas e lavurs da pittur. La suprastanza ha trat aint offertas. L'import total per las lavurs s'amunta a fr. 15'000. La suprastanza ha decis da laschar far las lavurs d'urant las vacanzas da mai, cur cha la butia es serrada.

Decisiun

La radunanza fa bun il credit supplementar da fr. 8'500 unanimamaing.

13. Orientaziun a regard la concorrenza per ün bun nom per l'Uniun dals Grischs

La suprastanza ha decis da lantschar üna concorrenza publica per ramassar plü bleras propostas pussibel per ün nouv nom. I sun entradas var desch propostas. In quist connex han diversas personas intimà la suprastanza da restar pro'l vegl nom. La suprastanza vaiva decis da seguir la proposta da la cumischiun per tschantamaints novs da restar pro'l nom UdG. Per as laschar cusgliar da profis, ha la suprastanza trat aint ün'offerta da Quant AG. Quels dumondan fr. 10'000 per lur cussagliaziun.

Discussiun:

Intimaziun: Plü jent stübgjar amo 10 ons vi da noms co spender ün import uschè grond.
Intimaziun: I nu fa dabsögn da dumandar a profis.
Intimaziun: Id es da decider svesse e na laschar far quai a profis.
Intimaziun: Na seguir la tendenza da dumandar adüna ad experts.
Intimaziun: Plüs preschaints propuonan da restar pro'l nom actual.
Dumonda: Es quel import da fr. 10'000 uossa strichà?

I vain fat üna votaziun consultativa per sclerir la dumonda:

Üna majoranza dals votants giavüscha cha la suprastanza nu spenda fr. 10'000 per laschar sclerir la chosa da perits.

14. Varia

Lorenz Alig da la gruppa rumantscha dal Cussagl grond ingrazcha per l'invid, loda la lavur dal president ed da la suprastanza e giavüscha inavant bun success.

Il president ingrazcha a tuots per la cumparsa e serra la radunanza.

Pel protocol
l'actuar



Duri Denoth